

漳州府志卷之七

學校

乾隆志卷十五  
新增修學廣額義學書院

御書匾額

附府議雲霄廳請設學校詳文

幽有鬼神有禮樂學校者禮樂之地也少而習焉其心安焉舉一世而遊乎中和之域三代尚矣漳自朱子守郡講明禮樂以正人心自是海濱家絃戶誦有能心朱子之心者且一變而進於道北溪東湖其人也謂禮樂不可興而末俗難與師古豈其然與作學校志

學宮

漳州府儒學

漳州府志

卷之七

學校

五百八十一

在府治東南宋為州學慶歷四年建於州治吳隅水自丁入大觀中增廣生員以迎恩驛為四齋政和二年移學於州左紹興九年諸生以科第不利乃請李守彌遜復故址前建櫺星門次建儀門中列戟門東西兩廡廡上為閣東曰御書西曰經史中建大成殿奉先聖像以充鄒二國公配旁列十哲位於兩廡設諸子及先賢位殿後鑿泮池中建亭曰瑞荷上接講堂分十齋學正學錄位在講堂西直學位在學門左右經諭位在東西兩廡小學在學東南隅學官直舍在講堂後東北水仍自丁入十一年學成明年壬戌登科者五人顏定肅公與焉人以為驗紹熙庚戌朱文公守漳勸賓賢齋以延耆儒受成齋以訓武士又以齋舍窘促議移貢院於東市而以其址為東諸齋西移行衙於馬棚而以其址為西諸齋齋舍相枕悉南向一如太學之前議既定以祠命下去官弗果後建置不一嘉定癸未學官災鄭守昉重建淳祐己酉章守大任復浚丁水紹定壬辰李守勳又於鄭守昉所建文會堂西闢為小學扁曰育德齋撥三廢寺田以給之教養生徒四十人置經義詩賦教諭各一員掌計掌膳各一員月書季考皆如太學之制元置路學教授縣學置教諭又詔復舊學田立小學並立



漳州府志

卷之七

學校

二

八百五十七

書院時諸路縣多不能奉詔延祐三年總管張泉逸教  
 授高元子重修大成殿兩廡及戟門櫺星門殿後為杏  
 壇又後為學廩廩之東為神厨厨之東為宰牲房厨前  
 為神庫殿西為明倫堂堂左為四齋堂前為亭亭外  
 為書樓樓下為大門門外為泮池池上為石梁堂後為  
 樂器庫堂西為饌堂東為教授廳又東為訓導廳天歷  
 二年達魯花赤納兒占伯重修明始為府學洪武十三  
 年知府白壽重修大成殿及兩廡二十年知府錢古訓修  
 謙修明倫堂四齋及饌堂書樓三十年知府謝文移庫房  
 大成殿宣德八年教授張驥建後堂扁曰崇文移庫房  
 於殿東景泰七年明倫堂災天順二年知府謝騫重建  
 并修四齋建教授廨於東拓櫺星門外地同知傅佐修  
 經閣易以石柱成化十年知府張瑣即舊射圃地建齋  
 舍二十餘間十五年洪水廟學傾壞十八年知府姜諒  
 同提學僉事任彥常更新之二十二年夏颶風大作經  
 閣及東西齋俱圯知府劉瀚重建扁經閣曰奎明樓建  
 號房二十六間於西齋後正德六年知府陳洪謨重浚  
 丁水疏石渠四十丈嘉靖十二年巡海副使羅英闢街  
 南地增建號房凡三十有一間二十八年龍溪知縣林  
 松歲入銀一百二十二兩有奇於學乃威惠廟租也三

十一年知府盧璧修麗澤堂及號房嘉靖四十四年推  
 官鄧士元重修明倫堂鄉人黃泮記隆慶四年颶風壞  
 屋瓦知府羅青霄重修六年又新置天寶等處學田八  
 段萬歷三十八年知府閔夢得查復街南麗澤堂故址  
 闢為泮池疏濬砌石由麗藻池以潛通海潮其形半壁  
 如弓弓弦環以石欄池廣一十九丈有奇輪六丈有奇  
 深一丈餘名曰麗澤池郡人鄭懷魁為記見藝文 國  
 朝順治甲申年明倫堂火災康熙二十年通判胡宮請  
 於憲副周昌知府吳廷貴相與營謀經始閱癸亥堂告  
 成二十五年教授陳正朔請復麗藻池四十二年知府  
 劉芳發重修文廟兩廡及過水亭比舊制加備四十四  
 年知府趙完璧捐俸修葺大成殿及二門乾隆八年巡  
 道王廷諍知府張廷球周岱率鄉紳郭元龍林編鄭蒲  
 林瑤等捐貲重修文廟督學吳華孫有記十年知府金  
 溶重造祭器樂器三十二年知府張鎮重修泮池改闢  
 水道砌九曲溝以通潮汐教授署原在崇聖祠之右後  
 以被水移明倫堂齋舍中故址為民居侵佔乾隆三十  
 五年教授黃世模清出訓導署原在崇聖祠之左後以  
 被水移聖廟東偏齋舍中乾隆三十三年訓導陳日來就  
 故址重建○學宮內曠地三處乾隆三十六年訓導朱



蓮丈量聲明詳府經知府李師  
敏飭經歷司丈量繪圖存案

卧碑 五年立 國朝因之 敬一亭 在崇聖祠前明嘉  
靖十年知府陸金

章制建萬歷二十一年署 崇聖祠 舊曰啓聖祠雍正元  
府推官龍文明重修今廢 崇聖祠 年改今稱詳見祀典

在敬一亭後明嘉靖十年知府陸金章制建萬歷四十  
一年水漲頽圯知府袁業泗捐金重修 國朝康熙四

十五年鄉紳總兵官柯彩捐貲重建清祠後學地高築  
基址以防水患 崇聖祠右名宦祠左學地一所前被

門斗盜賣居民乾隆三十六年府學訓導朱 儒學倉 一  
蓮查出牒移龍溪知縣崔繹追契究還在案

在崇文堂射圃 在城隍廟左明成化五年同知謝珪成之後  
左右今廢射圃 地未及建宏治五年同知謝珪成之後

因寇亂歷年失掌今查其地在城隍廟前  
左邊之對面現在居民佔住亟宜清復

### 龍溪縣儒學

在縣治南宋嘉祐辛丑令許儀建嘉熙三年令黃師雍  
闢大成殿庭增廣兩廡及講堂尋燬惟殿獨存丞趙時

## 漳州府志 卷之七

學校 三 七百八十二

瑀偕僚佐移講堂於殿後淳祐八年令潘律復闢隙地  
為齋館元大德間燬於兵縣尹趙塔納重建尋復壞明

洪武十年知縣劉憲教諭林原重修中為大成殿塑  
先聖四配十哲像東西為兩廡前為戟門又前為泮池

外為櫺星門殿西為明倫堂東西為兩齋前為集英門  
又前為龍騰門明倫堂西為饌堂堂後為廚房北為學

倉殿東為教官廨天順七年知縣周琳增高其址重建  
明倫堂及大門改創兩齋於明倫堂東西南向又曠西

偏軍營地建饌堂及廚房齋舍成化二十一年知縣李  
榮重修廟學於明倫堂之南鑿泮池跨以石橋堂之右

闢樓凡二十八間為諸生肄業之所學之外門舊東出  
至是鬻民居改南出復架樓其上扁曰大魁宏治間知

府汪鳳以科第寥落復門路正德四年知府羅列復明  
倫堂故址七年知府陳洪謨建棹檝儀門外榜曰騰蛟

起鳳知縣史立誠增學官廨十三年知府鍾湘改鑿泮  
池於坊內舊泮池通西溝池接潮水為民佔塞嘉靖十

三年知縣劉天授復之二十八八年知縣林松浚泮池於  
文廟前建石橋於其上改騰蛟起鳳坊為泮池坊移魁

樓於泮池之東南改建啓聖祠於明倫堂東敬一亭於  
明倫堂西修訓導廨改教諭廳於文廟之東改建號房

明倫堂西修訓導廨改教諭廳於文廟之東改建號房



於明倫堂西一十有四間泮池南二十有三間購騰龍  
山東畔民居以闢新路購山下魚池以入於學又歲入  
威惠廟租銀壹百兩以供學之公用王慎中為記隆慶  
三年堂及儀門俱圯教諭王憲春重修邑人謝彬有記  
載藝文萬歷三十八年知縣計元勳重新學宮王志遠  
有記國朝以來兩遭寇亂衙齋拆毀無存僅餘大成  
殿康熙二十一年總督姚啓聖捐貲倡官吏重修教諭  
劉士鐸訓導詹旭董其役二十六年知縣線應彩捐貲  
建明倫堂修文廟魁樓啓聖祠乾隆八年巡道王廷諤  
重修大成殿崇聖祠明倫堂及兩廡戟門櫺星門教諭  
訓導署學院吳華孫有記乾隆三十六年知縣宋學源  
崔繹倡紳士重修明倫堂魁樓文廟前原係木柵至是  
以石柱為欄干生員陳作霖等董其事  
教諭宅在學宮左訓導宅在學宮右

卧碑 在明倫堂左 敬一亭 在明倫堂西今廢 崇聖祠 在明倫堂東 儒學倉

在明倫堂 射圃 原在騰龍山下明成化二十一年知縣  
西今壞 李榮購民地以益之中建觀德堂今廢

漳浦縣儒學

漳州府志

卷之七

學校

四

七百八十八

在縣治西北隅宋天聖三年縣令陳坦然遷於印山慶  
歷三年遷於縣北熙寧三年從進士鄭郊等請移於南  
官塘紹興二十二年遷于城岡乾道五年以塲屋不利  
復遷於官塘舊址嘉定甲戌秋學宮災縣令趙師縉即  
故地辨方正位易坎為亥嗣是科第相續元不改明洪  
武初知縣張理開擴之建大成殿塑先聖四配十哲  
像通判王禕為記殿之東西為兩廡前為戟門門外鑿  
泮池架橋其上又前為櫺星門西廡下為祭器庫官廡  
外為神厨殿之左為明倫堂東西為兩齋前為道義門  
門左為膳堂殿後為教諭廨舍其東為訓導廨舍宣德  
九年府通判關諒以廟學門路褊狹勸邑民徐士耕割  
地廣之正統十年僉事陳祚勸邑士助貲命教諭程孟  
于修建一新成化六年知縣劉璧徒建明倫堂兩齋道  
義門改舊明倫堂為教諭廨舍增建訓導廨舍於道義  
門外之左十五年知縣金泓修兩廊號房移舊學門自  
西而南門內鑿池而梁之宏治四年知縣王臣重建戟  
門易櫺星門以石正德七年教諭林瓚率諸生勸壽官  
歐愚捐學前西南地并復諸所侵地以廣其路巨繚以  
垣嘉靖五年推官黃直重建明倫堂前路舊弗治縣丞  
潘鈺砌以石若干丈隆慶四年教諭陳經復修號舍并



廟宇萬歷三年知縣房寰率廩生蔡宗禹等拓泮池東西各丈餘增石梁一次年丙子發解登薦者十人三十二年墻壁傾頽柱朽壞兩廡門堂幾不蔽風雨知縣王猷捐俸修之鄉紳博士弟子各捐金助役其費視瓶建三之一而廟制龕案皆一新焉邑人尚書朱天球記國朝康熙十八年廟學因兵燹頽敝鄉紳黃性震捐金六百兩修治文廟明倫堂益以闔庠優免銀為工費而廟學更新矣二十三年構文昌宮於道義門左復建箴一亭刻聖諭十六條於上三十二年修澄心亭梁山鍾秀坊鄉紳黃性震助金三百兩倡諸生助成之三十一年戰門壞知縣陳汝成率紳衿修葺功竣更謀修大成殿先捐俸為倡紳衿各出貲助役益以通庠優免計千五百餘緡費猶未給生監等分道勸捐更得三百餘緡乃告成焉董其事者廩生蔡衍銳朝夕食宿於殿之旁鳩工庀材其力尤多教諭署在明倫堂後之西訓導署在明倫後之東

卧碑

在明倫堂左

敬一亭

在櫺星門右明嘉靖十一年知縣鄭禱建萬歷三十九年知縣區龍

正重修朔望到學與諸生解講書義互相訂正

崇聖祠

在明倫堂東舊在廟外傳公河前明嘉靖二十

### 漳州府志

### 卷之七

學校

五

七百五十三

六年縣丞王蘭改建二十八年通判陸體仁為除庭宇萬歷六年圯壞知縣朱廷益重建於文廟之後國朝康熙間邑紳士移建明倫堂之東儒學倉在儀門右射圃在邑東南隅舊在年推官黃直毀諸淫祠以其瓦木營建中為文公祠右為講堂前建樓名曰仰止築射圃于祠宇之東外闢二門今被居民佔蓋房屋

### 長泰縣儒學

在縣治東宋紹興三年主簿張牧始建學淳熙間文廟在縣西南嘉定間學在縣東南紹定六年縣丞葉惟寅白於縣令陳純仁作新學於今所建大成殿及尊道堂堂東西為四齋經籍祭器皆有庫鑿泮池瀦水駕石為橋淳祐間縣令趙與坦為記元至正十四年寇發學舍為燼十六年尹林幹兒不花重建殿塑先聖四配十哲像兩廡繪從祀先賢明洪武二十年建大成樓於殿南建文元年教諭章參更講堂為明倫堂立崇文樓分兩齋於堂前移興文祠於東廡以舊尊道堂為學倉神厨神庫牲房在戟門東正統十年僉事陳祚命重修天



順元年知縣裴顯改建橋星門易以石在成化十六年  
知府姜諒因知縣劉鐸之請修葺明倫堂東西齋膳堂  
大成樓建興文祠及祭器庫於大成樓東嘉靖四年推  
官黃直毀淫祠建大殿於左前為兩廡為戟門為櫺星  
門建明倫堂於右補立卧碑前為兩齋為儀門為泮池  
為大門庫房在兩廡之上省牲所在戟門之東儀門西  
南為教諭廨大門外之南為訓導廨東豎碑亭十二年  
知縣陳塘於殿後建啓聖祠敬一亭二十八年知縣王  
用文修兩齋及垣庭增置器具三十一知縣張傑夫  
廢省牲所為名宦祠即明倫堂西立鄉賢祠三十七年  
知縣蕭廷宣更置名宦鄉賢祠於啓聖祠之左右萬歷  
十七年庚寅颶風飄殿寢衙齋傾圮二十八年知縣管  
楠申請院道捐俸倡紳衿輸助計直四百餘緡修建殿  
廡堂門壯麗如昔崇正癸未災俱成灰燼國朝順治  
己丑知縣柴允欽與紳衿各斂貲興建費踰千金而文  
廟之堂構僅完丹雘未施明倫堂尚留有待康熙癸亥  
教諭何龍文自捐全俸知縣員養純邑紳葉先登暨孝  
廉諸生各題捐有差總督姚啓聖發銀五十兩助役工  
未半而龍文遷員令掛吏議遂中輟是秋知縣王珪接  
任發縣倉餘米三百石為修學費甲子春教諭張鴻達

漳州府志

卷之七

六

七百八十四

至力任其事是年明倫堂告成而廟學始全雍正六年  
教諭馬肇樞白於知縣楊翼成會紳士重修邑庠楊肇  
昌領其役有碑記乾隆三年知縣元玉衡會教諭郭賜  
英訓導鄭其灼偕紳衿諸生釀金重葺明倫堂堂下月  
臺甬道及兩階阼沒於土者悉清之有碑記教諭衙自  
崇正癸未災借管公祠興文會館居之乾隆四十年邑  
紳楊新基倡捐建于儒學南在明倫堂前訓導  
衙乾隆四十年訓導陳夢得自建在明倫堂右  
卧碑在明倫堂左上敬一亭廢今崇聖祠在大成  
武五年設嘉靖四年推射圃在縣治西城隍廟右舊在  
官黃直入倉地增廣之城外之北明永樂六年知  
縣陳愚遷於學之東南宣德十年知縣劉奎徙建今所  
萬歷十年知縣方應時修飭房屋稽查侵地二十年兩  
旁隙地佃為民居右邊前三間知縣  
管橋設為寬羈所今俱圮廢無存矣

南靖縣儒學

原在舊治東元至正十六年建明洪武三十二年知縣  
楊通重建大成殿永樂十三年教諭易成重建明倫堂



正統三年寇燬嘉靖四十五年知縣林挺春移新縣更  
建大成殿啓聖祠在大成殿左明倫堂在大成殿後隆  
慶五年知縣曾球復建文廟兩廡并櫺星門大門萬歷  
二十二年知縣陳宗愈遷復舊城乃即古漳南道故地  
建立學宮後倚壇山前面天馬西爲先師廟兩廡南爲  
戟門又南爲櫺星門門外周圍欄以石楯東爲明倫堂  
堂左創監卧碑堂西翼爲居仁由義齋次爲東西號舍  
由堂而南下爲露臺爲甬道爲儀門爲大門門之外爲  
泮池池之東爲敬一亭亭北堂東爲教諭訓導解堂北  
號房地從四丈衡七丈八尺初復城時議營縣治于此  
後堪輿家云此地榜山前列王氣居多當有異材應期  
而出知縣陳宗愈遂建學其上落成之庶吉士蔣孟育  
爲之記崇正二年知縣何世埏改建國朝康熙二十  
年知縣張倬全進士張雄捐貲暨闔邑紳衿重修三十  
五年教諭林芝重修明倫堂二門三十八年林芝重建  
大門乾隆八年知縣姚循義全紳士重修三十四年知  
縣崔繹教諭林應震訓導李鳴珂全紳士捐貲重修明  
倫堂三十八年知縣冷震金王寶序教諭黃光中訓導  
李鳴珂同紳士捐貲重修教諭署  
在明倫堂後訓導署在明倫堂左

# 漳州府志

## 卷之七

學校

七

七百六十二

卧碑堂在明倫堂左敬一亭在泮池東崇聖祠在大成殿之左儒學倉舊在

東久射圃舊在縣南歸德里後改在儒學前空地未建  
廢坊民王達觀抵補田  
地尚存二畝六分今廢

### 平和縣儒學

在縣治南明正德十四年設縣時知縣施祥建明倫堂  
于大成殿之後左右列齋舍殿前爲兩廡戟門南爲泮  
池有祭器庫宰牲所嘉靖二十三年廟宇傾頽知縣趙  
進邑博廖瑚重建二十七年知縣謝明德修萬歷二十  
一年教諭黎憲臣修明倫堂增高三尺更闢左右二門  
附以廂房門內二齋堂北爲尊經閣堂東爲教諭齋萬  
歷二年添設訓導知縣楊守一建二齋於殿之西北三  
十八年知縣黃應明移建於殿之西南四十五年知縣  
陳復初訓導章崇正重修崇正六年明倫堂傾圮知縣  
王立準教諭陳奎輝重新國朝順治十八年署縣王  
孫樞重修康熙三十一年教諭劉運昇倡紳衿重新文  
廟明倫堂歲久學宮漸傾乾隆二十五年知縣胡邦翰



勸捐鼎建堂廡齋閣煥然一新教諭署在文廟左訓導署在文廟右

卧碑 敬一亭 崇聖祠 射圃 萬歷四年知縣楊守一建

於西門內今廢舊址尚存

詔安縣儒學

在縣治前明嘉靖十年通判陳賢建前為文廟後為饌堂之東西為大門內石衢若干丈知縣吳桂砌築廟之東西為兩廡廡盡處為戟門外為櫺星門又外為泮池池上有橋橋之外舊無垣教諭徐商始合廟與學而圍之二十七年垣壞同知龍遂更築之又合灰與土築明倫堂置几榻若干件廟學改觀隆慶五年知縣陳素蘊復拓泮池垣而大之浚池加深環以石欄立三坊中曰文明左曰崇正學右曰育賢才萬歷間知縣黃元立重修國朝順治十一年被寇毀正殿啓聖祠僅蔽風雨十六年知縣歐陽明憲捐俸力倡至康熙七十八年殿廡諸工始有次第十七年知縣趙國正繼修四十年

漳州府志

卷之七

學校

八

六百八十九

大殿棟樑歲久蠹朽幾不可支教諭黃金榜訓導周邦憲大集諸生白之縣令乃議興建約費五百餘金皆紳衿所捐乾隆十二年知縣姚循義倡捐重修學博萬師拱記繼以舊墻未固邑紳楊大鴻等呈請知縣楊愚撤舊基重新蓋造二十八年知縣張所受教諭黃長茂訓導黃朝天以泮池淤塞勸捐重濬砌以石橋翼以石楯邑紳林名世為記櫺星門外向為木欄至是易為石柱其中照牆引堦以次就理規模遂為增勝董其事者生員許作楫胡廷燹等三十二年知縣孔繼忻捐俸加丹獲焉教諭署在明倫堂西偏訓導署在明倫堂東偏卧碑 同知龍遂叔立知 敬一亭 在文廟 崇聖祠 原祀講明隆慶五年知縣陳素蘊改建明倫堂之東萬歷中知縣黎天祚重建後毀于兵教諭姜日廣捐俸倡修之康熙二十八年訓導儒學倉 舊附于南詔倉嘉靖二十七年導鄭倅重修 儒學倉 教諭趙鏞即西偏號房一間為之扁曰射圃 地在儒學西未建現被育賢 居民佔住亟宜清復

海澄縣儒學



在縣治西門外明隆慶元年知府唐九德建明倫堂一座東西二齋中月臺甬道兩廊號合五間儀門三間省牲所一間在二門外西大門一間泮池一所在大門前教諭解二座訓導解二座俱在儒學左文廟在儒學右東西兩廡各五間櫺星門三間啓聖祠在大成殿後萬曆三十一年八月五日海漲宮墻圯壞次年知縣姚之蘭重修建敬一亭於明倫堂後邑人御史柯挺有記天啓二年知縣劉斯球倡捐易土以石崇正五年知縣梁兆陽重建殿廡敬一亭 國朝順治四年學宮兵毀康熙十年教諭李岱率諸生請于知縣王緯鳩工構造殿堂始就而甲寅變作後教諭許文茲訓導張世爵繼成之三十年邑人提督許貞總兵柯彩各捐貲重建啓聖祠明倫堂及名宦鄉賢祠邑庠生陳偉陳寅亮陳宏都各捐貲助濟泮池雍正四年署令劉浴倡紳士重建文廟進士李杜董其事乾隆十一年知縣嚴暉倡紳士重修明倫堂二十二年知縣陳瑛倡紳士重修文廟舉人郭日高陳英育等董其事三十九年紳士倡議重興其地之高低寬廣悉由舊制而奠石成基壘磚成壁從平地中突起輪奐又自崇聖祠及兩廡櫺星泮池煥然一新皆前此所未備也教諭訓導二署舊在邑中借寓名

# 漳州府志

## 卷之七

學校

九

七百四十三

宦祠今就文廟之右度地寬廠以建學署為文廟之右翼也計費萬金皆紳士捐充而舉人李軋董其事舉人燕士英協贊之又分董二十人時知縣馬聯臻督其成里人進士葉廷推記

卧碑 在明倫堂左 敬一亭 今崇聖祠殿後 射圃 缺

# 南灣學宮

在金山之麓康熙五十六年總兵周士元建中為大成殿殿下為兩廡前為大門門外為宮墻殿後為崇聖祠按南灣文武童生歲科入學既有定額故學宮序於郡邑學校之後以昭畫一

# 鎮海衛舊儒學附

康熙十七年裁

在衛治之前衛初無學明正統間禮部勘合令諸生附於縣學諸生以僻遠辭乞自設學延師許之後鄭普周瑛陳珠等相繼登荐而文廟學舍之制漸起成化二十一年本衛指揮張文奏乞照平海衛建立儒學指揮田霽復申前奏未報嘉靖元年巡按御史尚書王公以旂從諸生之請復奏之三年報可始建學立師學以佛堂



地爲之廟以前所地爲之廟學隔爲兩處二十六年訓導張奮揚呈合廟學爲一嘉靖三十四年乃建儒學在文廟之左教諭解在學堂之後萬歷二年知府劉志業重修學舊無廩教授錢惇請於志業謂衛故有指揮使十八員今不祀者七若移其祿以抵士廩事可相當知府從之卽請於兩臺監司俱報可戊寅春檄海澄縣缺俸米二百四十石給序貢生廩著爲令本衛會魁林茂桂爲記

### 文武生員額數

明以前漳學校取士之數無可考明初設廩膳府學四十八人縣學二十人以後添設增廣附學至明季大約科歲每學各取進一百零名至

國朝順治四年始定額大學四十名中學三十名小學十

## 漳州府志

### 卷之七

學校

十

四百九十

二名先科考後歲考至十五年歲考復定爲府學二十名大縣學十五名小縣學四五名十八年復定爲科考歲考併爲一次康熙九年復定府學二十名大縣學十五名中縣學十二名小縣學七八名十二年仍行科歲兩試雍正二年再定小學改爲中學中學改爲大學大學照府學額自是漳龍溪漳浦南靖平和海澄等學俱取進二十名長泰詔安學俱取進十五名其廩額府學廩膳已成材生員四十名增廣未成材同龍溪等縣學廩膳二十名增廣同武生順治初年依文童例督學三年一歲考取進無定額附文學教官管理其事宜照文



童例行無科考康熙十年題定武生進學府學二十名  
大縣學十五名小縣學七八名自是漳龍溪漳浦長泰  
南靖平和詔安海澄等學俱取進十五名乾隆元年南  
灣同知徐慎詳請南灣閩屬文武童生照廣東例歲科  
文章俱取進一名歲試武童取進一名俱撥入府學

樂舞生

附

康熙二十六年令郡縣選樂舞生每學八十六名大合  
樂以祀先聖乾隆五年令各省府州縣學樂舞生每學  
遵例舞用六佾卽照佾舞之數額設三十六名外加四  
名以備疾病事故更替之用務令各該州縣會同教官

漳州府志

卷之七

學校

士

三百六十三

考選本籍俊秀通曉音律嫻習禮儀者方准充補遇有  
缺出另行考選足數此外不許浮充仍造冊申報學臣  
查核每遇學臣按臨免其府縣兩試由教官冊送府縣  
敘入考案之後申送院考憑文錄取

奉祀生

附

康熙二十五年令聖賢嫡裔有充奉祀生者仍給衣頂  
開名數報部

社學生

附

順治九年淮鄉社學擇其文義通曉行誼謹厚者補充  
社師免其差徭量給廩餼提學按臨另造姓名冊申報



查考康熙二十五年以社學多謬濫遂革去

按社學生既廢應移在奉祀生後備考

順治二年

詔各省府州縣每歲正月十五日十月初一日於儒學舉行鄉飲酒禮設賓僎介主讀律令申明朝廷之法敦敘長幼之節其動費於存留錢糧內支辦永為定制

已上誌郡邑學宮及取進文武童生廩增附額數鄉飲酒禮

漳州府志

卷之七

學校

十三

一百四十



聖祖仁皇帝御書 先師廟額曰萬世師表 康熙二十三年

世宗憲皇帝御書 先師廟額曰生民未有 雍正三年

今上皇帝御書 先師廟額曰與天地參 乾隆三年

聖祖仁皇帝御製 至聖先師孔子贊并序 康熙二十五年

蓋自三才建而天地不居其功一中傳而聖人代宣其蘊  
有行道之聖得位以綏猷有明道之聖立言以垂憲此正  
學所以常明人心所以不泯也粵稽往緒仰邇前徽堯舜  
禹湯文武達而在上兼君師之寄行道之聖人也孔子不  
得位窮而在下秉刪述之權明道之聖人也行道者勲業  
炳於一朝明道者教思周於百世堯舜文武之後不有孔

漳州府志

卷之七

學校

十三

四百四十一

子則學術紛淆仁義湮塞斯道之失傳也久矣後之人而  
欲探二帝三王之心法以為治國平天下之準其奚所取  
衷焉然則孔子之為萬古一人也審矣朕巡省東國謁祀  
闕里景仰滋深敬摛筆而為之贊曰

清濁有氣剛柔有質聖人參之人極以立行著習察含道  
莫由惟皇建極惟后綏猷作君作師垂統萬古曰惟堯舜  
禹湯文武五百餘歲至聖挺生金聲玉振集厥大成序書  
刪詩定禮正樂既窮象繫亦嚴筆削上紹往緒下示來型  
道不終晦秩然大經百家紛紜殊途異趣日月無踰美牆  
可晤孔子之道惟中與庸此心此理千聖所同孔子之德



仁義中正秉彝之好根本天性庶幾夙夜勗哉合圖溯源  
洙泗景躅唐虞載歷庭除式觀禮器摘毫仰贊心焉遐企  
百世而上以聖為歸百世而下以聖為師非師夫子惟師  
於道統天御世惟道為寶泰山巖巖東海泱泱高萬仞  
夫子之堂孰窺其藩孰窺其徑道不遠人克念作聖

### 四賢贊

聖道早聞天資獨粹約禮博文不遷不貳一善服膺萬德  
來萃能化而齊其樂一致禮樂四代治法兼備用行舍藏  
王佐之器

洙泗之傳曾以得之一貫曰唯聖學在茲明德新民正善

## 漳州府志

### 卷之七

學校

十四

三百四十七

為期格致誠正均平以推至德要道百行所基纂修統緒  
修明訓辭

於穆天命道之大原靜養動察庸德庸言以育萬物以贊  
乾坤九經三重大法是存篤恭慎獨成德之門卷之藏密  
擴之無垠

哲人既萎楊墨昌熾子輿闢之曰仁曰義性善獨闡知言  
養氣道稱堯舜學屏功利煌煌七篇並垂六藝孔學攸傳  
禹功作配

右顏子

曾子

子思子

孟子

聖祖仁皇帝御製周易折中序

康熙五十四年



易學之廣大悉備秦漢而後無復得其精微矣至有宋以來周邵程張闡發其奧唯朱子兼象數天理違衆而定之五百餘年無復同異宋元明至於我朝因先儒已開之微旨或有議論已見漸至啓後人之疑朕自弱齡留心經義五十餘年未嘗少輟但知諸書大全之駁雜奈非專經之純熟深知大學士李光地素學有本易理精詳特命修周易折中上律河洛之本末下及衆儒之考定與通經之不可易者折中而取之越二寒暑甲夜披覽片字一畫斟酌無怠康熙五十四年春告成而傳之天下後世能以正學爲事者自有所見歟

漳州府志

卷之七

學校

十五

四百三十一

聖祖

仁皇帝御製春秋傳說彙纂序

康熙六十年

六經皆孔聖刪述而孟子特言孔子作春秋左氏公羊穀梁三家各述所聞以爲傳門弟子各衍其師說末流益紛以一字爲褒貶以變例爲賞罰微言旣絕大義弗彰至於災祥讖緯之學興而更趨於怪僻程子所謂炳若日星者不因此而反晦乎迨宋胡安國進春秋解義明代立於學官用以貢舉取士於是四傳並行宗其說者率多穿鑿附會去經義愈遠朕于春秋獨服膺朱子之論朱子曰春秋明道正誼據實書事使人觀之以爲鑒戒書名書爵亦無意義此言真有得者而惜乎朱子未有成書也朕恐世之



學者牽於支離之說而莫能悟特命詞臣纂輯是書以四傳爲主其有舛於經者刪之以集說爲輔其有畔於傳者勿錄書成凡四十卷名之曰傳說彙纂夫春秋之作以游夏之賢不能贊一詞司馬遷稱七十子之徒口授其傳而人人異端當時已無定論後之諸儒欲于千百年後懸斷聖人筆削之指不亦難乎是書之輯亦惟擇其言之當於理者雖不敢謂深於春秋而辨之詳取之慎於屬辭比事之教或有資焉是爲序

世宗憲皇帝御製詩經傳說彙纂序

雍正五年

朕惟詩之爲教所以成孝敬厚人倫美教化移風俗其用

漳州府志

卷之七

學校

七

四百十七

遠矣自說詩者各以其學行世釋解紛紜而經旨漸晦朱子起而正之集傳一書參考衆說探求古始獨得精意而先王之詩教藉之以明國家列在學宮著之功令家有其書人人傳習四始六義曉然知所宗尚我

皇考聖祖仁皇帝右文稽古表章聖經

御纂周易折中旣一以本義爲正於春秋詩經復

命儒臣次第纂輯皆以朱子之說爲宗故是書首列集傳而採

漢唐以來諸儒講解訓釋之與傳合者存之其義異而理長者別爲附錄折中同異間出已見乙夜披覽

親加正定書成凡若干卷名曰詩經傳說彙纂朕惟詩經三百



篇先王所以明勸懲而行黜陟蓋治世之大經而後世文人學士乃以風雲月露之辭自托風雅學經者又溺於訓詁詞章之陋習烏在其能明先王之道也我

皇考指授儒臣勒爲是編期以闡先王垂教之意與孔子刪詩之旨學於是者有得於興觀羣怨之微而深明于事父事君之道從政專對無所不能則經學之實用著而所謂用之鄉人用之邦國以化天下者亦於是乎行焉刊校旣竣敬述

聖意序之簡端

世宗憲皇帝御製書經傳說彙纂序 雍正八年

漳州府志

卷之七

學校

七

四百〇二

朕思六經皆治世之書而帝王之大經大法昭垂萬古者惟尚書爲最備蓋自繼天立極精一執中二帝三王之心法遍相授受而治法亦因之以傳今觀書所載成天平地經國造邦建官立教禮樂兵刑之宏綱大用與夫廣颺都兪之休風嘉謨嘉猷之陳告凡所爲永膺天命而致時雍協和之效者雖相去數千年尚可於方策中想見其欽明寅畏之衷敷布經綸之跡後之君臣得奉爲模楷以追蹤於唐虞三代之隆詎不於書是賴哉我

皇考聖祖仁皇帝聖學淵深治功宏遠存於中者二帝三王之心發於外者二帝三王之治而稽古好學於典謨訓誥之



篇沉潛研究融會貫通初

命講官分日進講著有解義一編頒示海內復

指授儒臣蒼萃漢唐宋元明諸家之說參考折中

親加正定廣大悉備於地理山川援今據古靡不精核爲書經  
傳說彙纂凡二十有四卷茲值刊校告竣與易詩春秋諸  
經次第傳布敬製序文勒之卷首夫後世之天下唐虞三  
代之天下也而治法之垂爲典章心法之原於性命者先  
後同揆百世之聖君賢輔未能易也故爲君者必思比德  
於堯舜禹湯文武而後無忝乎爲君爲臣者必思媿休於  
皐夔伊傅周召而後無忝乎爲臣朕夙夜兢兢冀克守王

漳州府志

卷之七

學校

六

四百〇九

敬存誠之道以遂觀光揚烈之懷尤冀卿尹百執事其體  
元首股肱之義殫協恭勵翼之忱寅亮天工誠和民志俾  
薄海內外永底乂安於以遠宗聖哲而仰承

皇考尊崇經學啓牖萬世之盛心顧不美歟是爲序

今上皇帝御製三禮義疏序

乾隆十三年

三禮之傳遠矣周禮六官河間獻王上之儀禮十七篇禮  
記四十九篇高堂生戴聖傳之漢唐以來箋疏訓釋無慮  
數十家考其義或相牴牾先儒嘗譏其聚訟要其撮拾灰  
燼之餘傳先王制作之舊得什一於千百好古者所爲鄭  
重而愛惜之也我



皇祖聖祖仁皇帝表章羣經既

御纂周易折中而詩書春秋則以分授儒臣纂輯義疏頒布海  
內惟三禮未就朕御極之初儒臣上言今當經學昌明禮  
備樂和之會宜纂輯三禮以葺五經之全爰允其請開館  
編校越十有一年冬告竣夫禮之所爲本於天殺於地達  
之人倫日用行於君臣父子兄弟夫婦朋友之間斯須不  
可去者天不變道亦不變此其本也其制度品節服物采  
章隨時損益屢變以適其宜者禮之文也三代去今數千  
年矣修其教而教明循其道而道行謂三代至今存可也  
何則其本得也若其用之朝廷邦國名物器數之具周旋

漳州府志

卷之七

學校

十九

四百四十九

進退之儀雖先王處此必將變通以適其宜而不泥於其  
迹故言禮者惟求其修道設教之由以得夫禮之意而已  
顧其教之不泯道之所由傳未嘗不賴於經好學深思之  
士讀其書有惜不能俯仰揖讓於其間者先王制作之精  
意尚可想見於抱殘守闕之餘則經傳之爲功也大矣鼎  
彝鈎劍之遺篆籀之蹟流傳有自尚摩挲而寶護之况制  
作之精意所賴以傳者歟獨其質於衆說無所取衷爰命  
校纂諸臣芟煩截浮約文申義敷暢厥旨至其說之不可  
強同者稍爲辨正而仍其舊蓋其承傳各異必牽合附會  
比而同之則其惑也滋甚故無取焉刻旣成爲之敘論以



發其端俾隆禮者有所考云

聖祖仁皇帝御製性理精義序

康熙五十六年

朕自冲齡至今六十年來未嘗少輟經書唐虞三代以來聖賢相傳授言性而已宋儒始有性理之名使人知盡性之學不外循理也故敦好典籍於理道之言尤所加意臨蒞日久玩味愈深體之身心驗之政事而確然知其不可易前明纂修性理大全一書頗謂廣備矣但取者太繁類者居多凡性理諸書之行世者不下數百朕實病其矛盾也爰命大學士李光地詮釋進覽授以意旨省其品目撮其體要既使諸儒之闡發不雜於支蕪復使學者之披尋不苦於煩重至於圖象律歷性命理氣之源前人所未暢發者朕亦時以已意折中其間名曰性理精義頒示天下讀是書者自有所知也已

漳州府志

卷之七

學校

三

四百〇六

世祖章皇帝曉諭生員卧碑文

順治九年刊于學宮之左

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供朝廷之用諸生皆當上報國恩下立人品所有教條開列于後

一生員之家父母賢智者子當受教父母愚魯或有非爲者子旣讀書明理當再三懇告使父母不陷於危亡



一生員立志當學爲忠臣清官書史所載忠清事跡務須互相講究凡利國愛民之事更宜留心

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其身常宜思省

一生員不可干求官長結交勢要希圖進身若果心善德全上天知之必加以福

一生員當愛身忍性凡有司官衙門不可輕入卽有切己之事止許家人代告不許干與他人詞訟他人亦不許牽連生員作証

漳州府志

卷之七

學校

三

三百五十六

一爲學當尊敬先生若講說皆須誠心聽受如有未明從容再問毋妄行辯難爲師者亦當盡心教訓勿致怠惰  
一軍民一切利病不許生員上書陳言如有一言寔白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

世祖章皇帝聖諭六條

順治九年

一孝順父母

一尊敬長上

一和睦鄉里

一教訓子孫

一各安生理

一莫作非爲

聖祖仁皇帝聖諭十六條

康熙十八年



- 一 敦孝弟以重人倫
- 一 篤宗族以昭雍睦
- 一 和鄉黨以息爭訟
- 一 重農桑以足衣食
- 一 尚節儉以惜財用
- 一 隆學校以端士習
- 一 黜異端以崇正學
- 一 講法律以儆愚頑
- 一 明禮讓以厚風俗
- 一 務本業以定民志
- 一 訓子弟以禁非爲
- 一 息誣告以全良善
- 一 戒窩逃以免株連
- 一 完錢糧以省催科
- 一 聯保甲以弭盜賊
- 一 解雙忿以重身命

聖祖仁皇帝御製訓飭士子文 康熙四十一年

國家建立學校原以興行教化作育人材典至渥也朕臨

漳州府志 卷之七

學校

三

四百〇七

馭以來隆重師儒加意庠序近復慎簡學使釐剔弊端務期風教修明賢才蔚起庶幾棫樸作人之意乃比來士習未端儒效罕著雖因內外臣工奉行未能盡善亦由爾諸生積錮已久粹難改易之故也茲特親製訓言再加警飭爾諸生其敬聽之從來學者先立品行次及文學學術事功源委有敘爾諸生幼聞庭訓長列宮牆朝夕誦讀寧無講究必也躬修實踐砥礪廉隅敦孝順以事親秉忠貞以立志窮經考義勿雜荒經之談取友親師悉化驕盈之氣文章歸於醇雅毋事浮華軌度式於規繩最防蕩軼子衿佻達自昔所譏苟行止有虧雖讀書何益若夫宅心弗淑行



已多愆或蜚語流言脅制官長或隱糧包訟出入公門或  
唆撥姦猾欺孤凌弱招呼朋類結社要盟乃如之人名教  
不容鄉黨弗齒縱倖脫褫朴濫竊章縫返之於衷能無愧  
乎况乎鄉會科名乃掄才大典關係尤鉅士子果有真才  
實學何患困不逢年顧乃標榜虛名暗通聲氣夤緣詭遇  
罔顧身家又或改竄鄉貫希圖進取囂凌騰沸罔利營私  
種種弊端深可痛恨且夫士子出身之始尤貴以正若茲  
厥初拜獻便已作奸犯科則異時敗檢踰閑何所不至又  
安望其秉公持正爲國家宣猷樹績膺後先䟽附之選哉  
朕用嘉惠爾等故不禁反覆惓惓茲訓言頒到爾等務其

漳州府志

卷之七

學校

三

四百三十一

體朕心恪遵明訓一切痛加改省爭自濯磨積行勤學以  
圖上進國家三年登造束帛弓旌不特爾身有榮卽爾祖  
父亦增光寵矣逢時得志寧俟他求哉若仍視爲具文玩  
愒勿儆毀方躍冶暴棄自甘王章具在朕不能爲爾等寬  
矣自茲以往內而國學外而直省鄉校凡學臣師長皆有  
司鐸之責者並宜傳集諸生多方董勸以副朕懷否則職  
業弗修咎亦難逭勿謂朕言之不預也爾多士尚敬聽之  
哉

今上皇帝御製訓飭士子文

乾隆十年

士爲四民之首而太學者教化所先四方於是觀型焉比



者聚生徒而教育之董以師儒舉古人之成法規條亦既  
詳備矣獨是科名聲利之習深入人心積重難返士子所  
爲汲汲皇皇者惟是之求而未嘗有志於聖賢之道不知  
國家以經義取士使多士由聖賢之言體聖賢之心正欲  
使之爲聖賢之徒而豈沾沾焉文藝之末哉朱子同安縣  
諭學者云學以爲己今之世父所以詔其子兄所以勉其  
弟師所以教其弟子弟子之所以學舍科舉之業則無爲  
也使古人之學止於如此則凡可以得意於科舉斯已爾  
所以孜孜焉愛日不倦以至於死而後已者果何爲而然  
哉今之士惟不知此以爲苟足以應有司之求矣則無事  
漳州府志

卷之七

學校

三

四百五十七

於汲汲爲也是以至于惰游而不知反終身不能有志於  
學而君子以爲非士之罪也使教素明於上而學素講於  
下則士者固將有以用其力而豈有不勉之患哉諸君苟  
能致思於科舉之外而知古人之所以爲學則將有欲罷  
不能者矣觀朱子此言洵古今通患夫爲己二字乃入聖  
之門知爲己則所讀之書一一有益於身心而日用事物  
之間存養省察闇然自修世俗之紛華靡麗無足動念何  
患詞章聲譽之能奪志哉况卽爲科舉亦無碍於聖賢之  
學朱子云非是科舉累人人累科舉若高見遠識之士讀  
聖賢之書據吾所見爲文以應之得失置之度外雖日日



應舉亦不累也居今之世雖孔子復生也不免應舉然豈能累孔子也朱子此言卽是科舉中爲己之學誠能爲己則四書五經皆聖賢之精蘊體而行之爲聖賢而有餘不能爲己則雖舉經義治事而督課之亦糟粕陳言無裨實用浮僞與時文等耳故學者莫先於辨志志於爲己者聖賢之徒也志於科名者世俗之陋也國家養育人材將用以致君澤民治國平天下而囿於積習不能奮然求至於聖賢豈不謬哉朕膺君師之任有厚望於諸生適讀朱子書見其言切中士習流弊故親切爲諸生言之俾司教者知所以教而學者知所以學

漳州府志

卷之七

學校

三五

二百二十六



漳州府義學書院

一在城東南隅曰丹霞書院 國朝乾隆二年知府劉良璧建中祀朱子外有半月樓魁星閣書舍為諸生肄業地十四年知府金溶構講堂兩廡又左為書舍相向各四二十四年巡道張惟寅添建後堂架樓其上二十六年知府蔣允焄以講堂左書舍卑隘移于後寬其庭宇中構一堂復于半月樓側築書舍三間建門二重繚

漳州府志

卷之七

三

學校

五百七十六

之以牆邑紳王材鄭蒲董其役 一在城西北隅芝山之麓曰芝山書院宋知州事危瑱建中祀朱子初名龍江書院後燬于兵歷經修復 國朝康熙二十一年通判胡宮重建齋舍二十間五十四年知府魏荔彤重修復即文公祠東創仰文書院五楹三進齋舍十間後合龍江仰文兩書院為一乾隆二十一年知府奇靈阿集紳士重修有碑記 丹霞芝山兩書院生息稅銀租穀北線尾洲埕稅銀二兩一錢北隅地五錢三分石碼厠池一兩五錢魚池二十六兩二錢九分零北線尾洲埕一兩六錢三錢一分零蠓埕八十兩賢祠祀洲三十九零茶園保五錢一分零蠓埕八兩賢祠祀洲三十九兩六錢任勤保洲田一兩二錢五分零陳洲保洲田六兩五錢九分零烏頭門大埔山園六兩九錢三分零茂保西尖洲四兩七錢六分零朱子祠洲南邊洲泊十六兩七錢九分零嶺岩保溢園一兩一錢二分零行運生息二百二十六兩八錢八錢北溪頭草洲十兩零八分共銀四百四十二兩八錢四分六厘三毫捐置靖邑田地租穀五十五石三斗三升三合四勺北港口草洲成田一百九十五石任勤保雲霄二十九石賢祠祀洲成田一百九十五石



洲一十一石二斗七升三合鳥礁新河洲成田二十五  
石二斗九升四合四勺任勤保洲田八十三石五斗六  
升八合西尖五十一石五斗四升共穀六百四十六石  
五斗九升八合零乾隆十四年知府金溶勒碑二十八  
年知府蔣允焄知縣吳宜燮詳定師生束脩膏火立案  
中祀朱子後為諸生肄業地乾隆十四年通判王祖慶  
建前進里人方德清董其事後邱倚煌邱嶽王文輝購  
地築書舍九區祀產在鳥礁保洲頭社本都紳士于雍  
正三年合貲買洲田外有草洲埭溝等稅其後圍築漸  
廣田額洲埭益擴今通計錦江書院祀產一百二十八  
畝有奇並埭溝年徵租銀八十一兩五錢八分零經官  
斷撥每年於本書院祀產銀穀額內半以充丹霞芝山  
兩書院膏火半為本書院祭祀延師及大比賓興等費  
一在南勝防廳衙署之左曰南勝書院乾隆元年防廳  
劉良璧建一座三進講堂學舍共三十三間中祀朱子  
左右以王陽明先生黃石齋先生配春秋二祭其捐充  
租額一乾隆三年貢生陳其宏呈捐田種八斗五升又  
樓間一間一乾隆五年南灣鎮黃錫申呈捐南勝墟場  
地租一乾隆廿六年監生李定國呈捐田種八斗一監

漳州府志

卷之七

學校

三

八百四十九

生李其英李晉冕生員李晉鳳呈捐田種八斗五升一  
乾隆二十七年監生李士宏呈捐田種二斗二十八  
防廳陳夏鈔詳請將南勝書院膏火內餘剩銀兩以作  
武廟祭品之費按南勝書院屬平和地方但係分府  
義學故統載漳州府中一日鄴山書院在鄴侯山明  
詹事黃道周講學于此中建講堂撰講儀具琴瑟鐘鼓  
四方之士從遊者數百人後圯國朝乾隆十四年江  
漳龍道單德謨重建中有三近堂與善堂樂性堂雙峯  
亭選真亭採芝亭靈喜亭橋院檀舍兩翼室景文樓其  
十一一所另公置連翠明黃又講共田六斗二升種園四  
種每年納稅二十二石官斗為香燈及修葺之費又南  
靖華源總湯坑等處洲園年解到稅銀肆拾壹兩玖錢  
交府庫內二十兩為春秋祭費二十兩為看院二人工  
食由府學具領一日薌江書院在二十三四都翰林  
社即文公祠也明洪武二十三年守錢古訓令劉孟雍  
創祀文公以陳淳黃幹劉宗道配正統間守甘瑛修嘉  
靖二十八年令林松修歲入威惠廟租銀十兩今現存  
一曰觀瀾書院在十一都初宋儒龍溪蔡汝作於平  
林建鄉校以教學者歲久傾圯明洪武間貢士鄭深道  
請於巡按御史陳仲述重新之仲述為之記後深道又



遷於南陂扁曰觀瀾書院宏治七年致仕布政林同以南陂雜居民乃遷於文山麓中建正祠以祀先聖先賢前為書室及齋舍正德四年知府羅列請於院司以孔子六十二世孫孔文悖與衣巾以主祀事並給撥新洲田坐落瀛江等處知府陳洪謨張鵬相繼撥本山觀音寺田田租入院以充祭祀後書院圯壞而洲田寺田仍充先聖祀費不廢及重建孔氏家廟於察院西地猶沿文山觀瀾為名國朝康熙間廟宇傾頽將修未就雍正己酉貢生趙登瀛募同人修乾隆丙寅教授鄭漢履率生員蔡元耀募同人起蓋諸生習禮拜亭癸未殿簷毀折生員趙紫綬募同人重修一日龍江書院在府治西北登高山上舊為臨漳臺宋朱文公守漳時將築室講學未果後守危稹乃剏為之以成公志宋季燬於兵遺址歸浮屠氏明知府王文陳洪謨相繼重修遺址猶未盡復嘉靖三十年知府孫裕闢新路立碑路口三十五年知縣蔡亨嘉毀僧房自東井以上闢為五經書院內建講堂扁正門曰一郡精華講堂之後最高處曰極高明外建東西大門曰崇正閣邪繼往開來規制宏厥嘉靖四十五年知府唐九德重修扁講堂曰道一堂東西二門曰崇正學育才核其房間號以千字文

# 漳州府志

## 卷之七

學校

三八

八百四十二

命士肄業其中每月躬往課之院東舊有道原堂後為朱子祠今為芝山書院一曰清茗書院祀歸安學使沈涵原康熙四十五年建府治西登仙宮側郡紳蔡世遠為記見藝文五十四年改建于西南隅龍文山雍正十年郡紳莊士元莊亨陽王材林涓等又建堂後學舍三間堂右學舍八間歲收租以為祭祀修葺之資現存一曰麗澤書院舊為閩公祠在府學泮宮華表內久經頹壞康熙四十八年十月教授鄭駢訓導戴天任據生員魏鈺等呈詳知府趙完璧捐貲合建祀閩公香火併為通漳義學建築未成基址圍墻猶在一在城外東北隅威惠廟之左元泰定間黃元淵買地創建學士虞集為記今廢一曰松洲書院在二十三都唐陳珣與士民講學處今廢一曰養正書院在威惠廟左明隆慶六年知府羅青霄相地議徙縣學於此乃先建書院前立坊曰山川靈秀今廢又一在芝山下今為文信公祠一曰雲龍書院在元妙觀左今改建學院行署一曰西清書院在東坂後街今廢一曰建溪書院在二十二都翁建社明洪武十二年鄉人蘓廷貴建國朝乾隆二十一年紳士王天柱等捐修一曰五經書院舊在城西隅名育德書院一國朝康熙二



十六年汀漳道鄧秉恒知府汪世印改為城守衙門移在文信公祠後更名五經書院

### 舊社學

一在府治西北隅明正德元年知府羅列建正書院一在府治馬棚街明正德元年知府羅列以馬棚有白蓮堂羣尼所居乃逐出之建為居正社學教少年子弟習春秋于此一在府治東河側亦羅列以白蓮堂地建為履正書院教少年子弟習禮記于此一在龍

義塾以教四方之來學者一東西南北中五社學明萬歷二十年署府推官龍文明即郡治之南故有廢署建清漳小學又郡東四里許曰市尾社郡西十里許曰溪口社郡南里許曰南壇前建立社學又北廂父老請建社學乃擇鑑光池之北詢之則泉軍屯業也於是以前縣稅基易其地而建之今皆廢

### 龍溪縣義學書院

在城北郭曰霞北書院舊為法華精舍國朝康熙四十年知縣曹家甲因寺僧行不謹逐出之沒為義學

## 漳州府志

## 卷之七

學校

七

六百八十九

乾隆二十年署縣伍煒重修三十八年知縣崔繹陞任捐銀八百兩交生員陳作霖拓地建葺署縣劉廷翰接任潘鳴謙續成之舊道從山頂巷進院紆迴窄狹乃於東邊購民房改建大門直通北郭孔道門內堂三間堂後由磴而上於舊朱子祠之左增建講堂一座廂房四間祠右舊廂房六間下增築二間祠前庭之西偏增築官廳一座周圍以牆環山於內多種竹木歲延名師主講其中知縣潘鳴謙為記見藝文一曰霞橋書院在十一都騰鯉山明邑人林同建今廢遺址尚存

### 舊社學

東北隅二所西隅三所南隅四所東廂二所南廂二所

二十四所八都二十六所九都二十四所以上一都至九都自設澄邑即屬海澄今廢十一都十五所十二都三都十五所二十一都十所二十三都六所二十五都八所二十六都七所二十七都十五所二十八都十三所二十九都三十都共十一所今廢

### 漳浦縣義學書院



一在文昌宮後 國朝康熙二十四年知縣楊遇建有碑記在道義門 一在雲霄朱文公祠內康熙四十六年知縣陳汝成建另撥八分埔屯田一分及公溪泥泊諸渡稅為費詳見祀典列祠 一曰明誠書院即東臯書舍在東郊明詹事黃道周講學處中扁曰明誠堂自署聯云一日天下歸仁猶是克復請事百世聖人不惑依然寡過未能堂前砌石為天方圖莫有解者道周既沒諸門人即此堂祀之而以從難賴敬儒趙時培毛立水蔡春溶配現存 一曰崇正書院在陸鰲舊為白雲巖明嘉靖二年提學邵銳建祀朱文公用本所渡稅供費今廢 一曰鳴江書院在縣東十七都明洪武中鄉人陳列彞建授徒講學多所造就正統十三年燬于寇其子孫重修以教鄉子弟今廢 一曰梁山書院唐潘存實讀書處今廢

**舊社學** 按周瑛府志社學十有七所坊五所都十二所止四所在坊而在都者俱廢無考仁字社學在縣治左即威惠祠而學寓焉後推官黃直毀而鬻于民明嘉靖六年知縣周仲至以幼學無所乃請于當道出公帑贖諸所鬻地為社學時生員林敏還所鬻威惠祠地而不受直仍改為仁字社學義字社學在西隅俗呼

學校 仁字社學義字社學在西隅俗呼

**漳州府志** 卷之七 三 七百七十七

蔡姐廟後萬歷三十二年知縣王猷移建于北關外迎恩亭之西南增建信字社學一區智字社學在北門懷德祠後改作禮字而以北關外社學為智字今已俱廢

**長泰縣義學書院**

在治南登科山明洪武三十三年教諭章參建前後各一座三間後祀朱文公配以東溪高登北溪陳淳二先生前堂名泰亨書院有記成化八年知縣劉鐸重修嘉靖四年推官黃直以舊儒學材更為之宏其制扁曰文公書院十二年知縣陳塘顏其前堂曰瞻山仰斗萬歷五年知縣張應丁修十年知縣方應時復修適奉勘合歸天下書院方侯力白撫院獲存又申請釐正祀典送回高東溪神主於漳浦以本縣宋王簿方若水配歲久做壞二十八年知縣管橋捐俸重修後一座三間簷外為臺中祀文公扁曰羽翼聖經右祀方侯表其存祠之功左監興祠記頌碑以識管侯偉績前座依舊址重修大門扁曰紫陽遺蹟門外兩旁有店四間邑紳唐堯欽等請復高東溪并增黃勉齋為四配 國朝初年將弁輒駐劄其中康熙巳酉知縣高平趙象乾稍為修飭遂



漳州府志

卷之七

學校

三

七百三十八

建義學以教貧士壬戌知縣員卷純復加繕葺後以海氛屢作牆宇盡圯乾隆壬戌知縣李永書捐俸修葺更設寢室安奉文公塑像復以門左右店四間蔽障激水撤為左右旁天井顏其後堂曰學達性天前曰誠正堂門扁登科書院有碑以榜之已知縣張懋建請於觀察單德謨扁其堂曰繼往開來自為扁曰天在山中其租額明洪武時有在坊薛子義捨地外捐田百畝後廢無存國朝雍正六年旌孝里謝姓有田九十九畝三分一厘四毫在董鳳山後石井底張林前小鷓鴣等社知縣楊翼成勘斷歸官以充膏火歲取粟四十餘石乾隆十年知縣李得御廉得佃人謝姓陳姓等欺隱情弊易佃增租歲定粟七十三石十五年知縣張懋建剔清佃弊復定額八十三石官立案又一善化里定方社土名員潭仔新墾田共丈八號計四畝四分六厘王姓族人互爭許告各無確據充人義學一方成里塘邊社土懋建勘審亦充入義學現存一曰狀元書院舊在縣南山前有水塘明正德六年提學副使楊子器命知縣葉洪建中塑狀元林震像後移登科山之西現存一曰龍津書院在縣治東明洪武三十三年教諭章參建

今廢

舊社學 在坊共四所東街一聯魁坊一和平坊一大夫坊一今俱廢人和里社學四所一在錦江社一在張山社俱廢餘無考又欽化里社學四所一在五通社一在小陂社一在京原社一在古溪社俱廢方成里社學三所俱無考恭順里社學二所一在山重名龍興一在胡坂小坂尾俱廢彰信里社學四所俱無考石銘里社學四所一在下洋山洋中餘無考旌孝里社學四所一在蕭宅今為庵寺餘無考善化里社學四所一在林泉村餘無考

南靖縣義學書院

一在城隍廟左康熙三十九年知縣邱憲章建扁曰霞西義學四十四年知縣汪培祖重修四十六年知縣陳汝成重修乾隆八年知縣姚循義重修增建書舍扁曰歐山書院三十三年知縣朱堂偕紳士捐金再建於天后宮後別之曰大書院其中租額一原額洲園十股徵稅銀一十一兩五錢五分址在東門外岳前一乾隆七



年奉憲充出吳世傑吳鳴珂溢田四畝三分二厘八毫  
徵穀四石二斗六升三合址在金山洋一乾隆八年奉  
憲充出戴炳虎溢田一十三畝四厘六毫徵穀二十四  
石七斗八升四勺址在田尾山總溪東洋一乾隆十一  
年奉憲查丈洲園三十一畝四分二厘四毫徵銀二十  
四兩一錢三分九厘址在南門外下墘總一乾隆二十  
四年奉憲充出黃江戴福城等溢田三畝七分徵穀四  
石四斗四升址在中埔總一乾隆二十五年知縣李浚  
源查丈韓旺馮惠溢園十二畝二分徵稅銀六兩址在  
吳峯總一乾隆三十五年知縣崔繹偕紳士捐金設置  
膏火田接篆任愷將銀五百七十九錢買田地受種  
三石八斗四升徵穀六十石三斗六升址在北門外院  
前洋南坪總石碑洋等處一乾隆三十八年知縣冷震  
金查丈陳維嶽何克昌山園七十六畝一分四厘徵稅  
銀一十五兩二錢址在浮山總草鞋店埔存一在北  
門舊道地乾隆三十六年知縣崔繹倡紳士捐金鼎建  
規模宏廠兩旁房舍二十餘間存  
舊社學在縣治大門外之左明隆慶六年設今廢舊縣  
城內二所早廢東門外一所又習賢里四所一

# 漳州府志

## 卷之七

學校

三

七百二十九

在新寨一在棉內一在張倉一在竹員又由義里三所  
一在下墘一在古田一在湖山又永豐里三所一在荆  
山一在大田一在和溪又居仁里三所一在馬坪一在  
車田一在西山又歸德里三所一在橋南一在五峯一  
在鳳塔  
今俱廢

### 平和縣義學書院

一在縣後魁樓前即舊樣樓曰九和書院乾隆十二年  
知縣周芬斗建四十年知縣蔡承烈斷給蘆溪田稅一  
十四石為膏火之資存一在常平倉左曰縣內義學  
康熙五十五年知縣郭廷彩建復捐造城隍廟前店十  
二間每年收租為膏火之資乾隆十二年知縣周芬斗  
斷給田租一十一石零為四季課士獎勤之資有碑記  
存一曰向文書院即庵後朱子祠有祀田又一日  
東關義學在王文成祠一曰南關義學在下街郎君廟  
一曰西關義學在下坪福興堂  
俱康熙五十三年議設今俱廢  
舊社學一曰扁井在縣治前舊為醫學一日蘆溪在清  
寧里中國社俱明知縣王祿於嘉靖九年建并



置租三十四石三十四年知縣趙進復置租一十五石  
益之又有二所在新安里久廢又一日崎嶇在庵寨天  
湖堂一日小坪在仰山堂一日瑄溪在溪澗城內一日  
高際在山隔巖一日翠微有二所一在溪山一在透龍  
一日黃井在上庵一日坎仔在銅湖一日東坑在徑口  
一日高坑在石盤一日大溪在新店一日何地馬舖  
一日雲霄有二所一在山前一在文祠一日南勝一日  
長富村一日大小峯一日蘆溪坪垌一日象湖一日漳  
紅一日庵後一日五寨以上康熙五十六年奉文議設今俱廢

### 詔安縣義學書院

一為丹詔書院舊屬漳浦宋紹興間南詔場周申建淳  
祐中郡守黃朴書額後分為詔安國朝乾隆二十九  
年知縣張所受陶浚教諭黃長茂偕邑紳林名世陳丹  
心倡闔邑紳士捐貲興建於縣南門內在文公祠東貢  
生許液金等董其事中為講堂前後左右書舍二十五  
間講堂左偏構一座三間扁曰懷德堂文公祠後構一  
座祀文昌魁星扁曰崇義堂其中學規膏火一時俱舉  
有碑記二一掌教翰林院編修楊黼時撰一邑紳林名

## 漳州府志

### 卷之七

學校

三

七百八

世撰存一在署南康熙二十九年知縣秦炯就公衙  
門為義學捐俸延師以教貧民子弟又四十五年知縣  
蕭永域於城內設立蒙館二所經館一所一日石屏  
書院在四都漸山之麓宋陳景肅講學處現存一日  
崇文書院在銅山原屬漳浦明嘉靖二年督學邵銳建  
為社學隆慶二年督學蔡國珍批允設立先師牌位  
知府葛綸扁曰崇文聽諸生朔望行釋菜禮其後中廢  
萬歷四十年生員陳王教等捐金修復公呈有司奉祀  
如故現存一日南瀛書院在銅山原屬漳浦明嘉靖  
五年分守蔡潮建塑朱文公像祀之春秋兩祭每歲支  
詔安縣網銀四兩國朝康熙四十二年知縣陳汝咸  
重建以黃石齋配現存一日傍江書院在縣南汙洲  
明初陳汶輝隱此有傍江書院十八景詩一日沈公  
書院在縣南門內康熙間祀開漳功臣沈世紀東西廂  
房共十間一日新成書院在縣北門內舊為老子宮  
明嘉靖間知縣吳桂改建今廢一日東瀛書院在懸  
鐘原屬漳浦明嘉靖五年參政蔡潮改建今廢  
朱文公像於中以北溪勉齋二先生配今廢  
舊社學一在二都一在四都一在五都縣城者一在東  
門廟一在南門廟一在港尾廟一在真君亭



有舊義學明永樂初鄉人許伯壽建以教鄉之子弟在縣北新安村其後許氏子孫嘗世修之今廢

### 海澄縣義學書院

一在城北晏海樓卽八卦樓日儒山書院前乾隆二年知縣嚴璟因改建晏海樓遂于樓下建書院講堂一座六年又于講堂東偏建齋舍四間嗣知縣汪家瑒倡紳士黃琮蕪大川等復增築三間外撥學田若干為諸生膏火其齋舍屋基係縣丞陶名世捐俸購助乾隆二十年五年知縣王作霖倡興書院時邑紳葉顯於講堂西偏購買民房六間民地三區一併捐助嗣監生吳亨傑暨胞姪生員吳邦基又于葉紳所助屋地之西契買匡姓厝地一所屋兩進六間又貢生郭祖啓復于書院東偏購買地基一所增建學舍二十七知縣王作霖又倡紳士李朝陽葉叶章等就葉紳捐充之地建講堂一座面南後枕以藏書樓與晏海樓東西相迴伏前為大亭前為下馬廳左翼以學舍右兩進為花廳匾曰安陽書院祀王作霖祿位又就西偏吳生所充地增廣學舍翼之于右於是間架宏敞遂成完美矣其中捐置膏火一段西江埭鹽浸田二十五畝原係陳顏高柯四姓開

### 漳州府志

### 卷之七

學校

書

八百六

墾知縣汪家瑒撥入書院一段西江埭鹽浸田七畝二分四畝汪家瑒申請撥入一段東門外東教場邊實耕田四畝四分知縣嚴璟撥入歲納租官石八石折民石十三石以六石為八卦樓文昌春秋祭費以七石瞻學一段龍潭堡鹽浸田六畝零原係撫憲斷歸紫陽祠供祭後知縣汪家瑒詳改以三畝送入紫陽祠三畝撥入書院今田皆崩壞一段苗田八畝七分一厘七毫受種子一石五斗二升五合合鄉科三十分五厘坐址馬口保後溪洋土名用河裏乾隆二十五年舉人許師義呈請知縣王作霖充公一秧種三坵其受種一斗六升合鄉科三担四分坐址龍井洋土名秧種績頭乾隆二十七年監生陳時佐呈請知縣王作霖充公一苗田一坵受種一斗二升合鄉科二担一籬坐址前與洋乾隆二十七年所乾隆二十七年邑庠生蔡士明呈請充公知縣王作霖批呈請招佃徵稅



呈請充公知縣王作霖批准招佃徵稅一大成洲尾新漲海泊一所乾隆二十七年知縣王作霖勘定界址招佃填築所收稅利十分取三充為書院膏火之資一在文昌閣之後其五間康熙四十六年知縣陳世儀建延師以教民間子弟今廢一在鎮海原屬漳浦康熙五十年知縣汪紳文建招集生童捐俸延師按月會課其中今廢一曰清漳書院在九都儒學前明隆慶元年知府唐九德同知鄧士元建今廢一曰滄江書院在海滄今廢一曰金

沙書院在沙坂今廢

舊社學

各都分俱有社學若干所已載龍溪今廢安邊

三石八斗年係官收租稅坐址在許茂

按義學書院舊志作兩條今合為一存者列於前廢者附於後

舊貢院附

宋乾道間建貢院在子城名第門內北溪陳淳上趙寺丞書請移之他所創新貢院以選取人士其書見古蹟

漳州府志

卷之七

三

學校

六百七十二

志中不果行後貢院之廢不知何年

漳州府舊學田

一柳陂莊每年租錢五百五十緡一留塘莊每年租錢四百緡俱法濟院廢寺田後以全租歸於學宋教授趙宗瑋為之記見藝文一天寶山麓田數十畝知府羅青霄檄龍溪縣知縣李聯芳追逋租價一百八十金置焉受種四石一斗有奇歲入租一百一十石有奇均入二庠以賑貧助費原載官民米二石八斗有奇抽租代輸郡人知府洪公諧記見藝文一知府袁業泗申學租二所叔自督學豐城熊尚文建德鄭三俊行府買置一在城海道後官地屋七間年徵租十兩五錢一在詔安縣黃田莊田十畝地二畝一分年徵租十九兩四錢以充諸生講課之資一康山瞻學官塘舊有金峰寺田數百畝環其區因旱荒不得水乃擇官地為塘凡九十五畝有奇旁滋灌溉魚利廣焉及寺廢入于豪右之手前龍溪令王士昌清查仍據署府推官龍文明嚴覈得課息四十金計歲入額貯公帑以贍貧士郡守李曰文為之記見藝文以上學田學租今俱無存推官塘



現在復為居民  
佔掌宜清復

### 新置學田

國朝康熙二十一年總督姚啓聖捐置學田坐落南靖  
縣北門外石碑牌坑岸赤單通路掘等處共受種二石  
二斗至年稅額共粟六十石六斗大年帶正供銀二兩  
一錢零八毫官除納糧外餘粟分給貧士一雍正元  
年鄉紳郭元龍捐置義租在龍溪縣二十四畝五分  
上埔洲帶柯興戶內折實園畝十四畝五分存花利  
銀一百二十兩三年共計銀三百六十兩分一百八十  
兩府學明經科舉庠友鄉試之資五年一換佃應銀二  
百兩以為修葺府學文廟之資此項銀兩繳府每科新  
孝廉序齒推一位執掌分送一鄭黃二姓經官歸入  
孔氏家廟洲田共六十畝奉憲批歸府學照管春秋二  
祭祀生請學官主祭每於丁祭先一日佃戶赴學完銀  
十兩即時轉交祀生自主徵收  
其餘俱係祀生自主徵收

### 舊州學桂庄

## 漳州府志

## 卷之七

學校

三六

六百〇七

嘉定四年守傅壅撥西峰院租歲入二百一十  
八貫九百四十四文以相士子西行之費今廢

### 舊平湖桂庄

端平初郡人顏耆仲以私帑萬餘構置漳浦縣田地曰  
雲霄保曰使田歲入錢四十五萬八百有奇又新陂洋  
未墾之田可百餘斛盡以為平湖桂庄別置庫於天  
王院以餽鄉士之試于禮部者竹溪林逸為記今廢

### 龍溪縣舊學田

附府

### 新置學田

國朝康熙二十二年總督姚啓聖捐銀壹百兩置二十  
六都埔尾洋田種九斗九升年收稅穀至年終除完官  
銀外餘給貧生又學田園港口一十畝北河二十一  
畝港邊三十九畝割沙口二十五畝崩窟墘三十畝割  
仔埔二十一畝刺魚頭二十八畝岸仔內一十五畝內  
洲一十九畝刺魚洲尾黃果八畝柑園埔二畝五分龍  
窟尾二畝八分柑園興坑八畝柑園杉林社五畝溪西  
關帝廟前一十畝五分零鳳林社一十八畝新橋頭二



十畝鳳林社河邊五畝徑口九分零乾隆九年豁免租  
戶呈報崩陷學租園六畝三分二厘四毫共無徵銀二  
兩四錢九分零實在田園共二百八十二畝四分七厘  
三毫四絲九忽六微奉文暫貯縣庫  
聽候各學赴領發給廩生貧士

### 漳浦縣舊學田

一在十五都月嶺歲入租一百二十石載秋糧四石明  
嘉靖三年生員林賁捐長洲陳完爲之記後每年折徵  
租銀二十三兩八錢四分七厘不知起例何年因田地  
濱海國朝遷界後沒於巨浸經知縣楊遇詳豁  
在南靖車田歲入租一百零三石四斗園稅錢六千九  
百文帶民米四石明嘉靖十九年富民吳子元捐以上  
儒學徵收以贍貧生餘爲學宮修葺之費嘉靖間因道  
多學官力不能催教諭張泮申請學道檄縣徵收而學  
官不得支用後此志無可考或狡佃欺隱胥蠹爲奸多  
所侵沒今按年起解銀一十六兩一錢六分初裁解充  
餉至康熙二十三年復給廩生貧生解府發學分給俱  
就經胥追賠一三年復給廩生貧生解府發學分給俱  
一明萬歷三十七年六月知縣黃應舉

## 漳州府志

### 卷之七

學校

七

七百五

捐俸錢四十萬買李應麟田二所種一石一斗八升實  
田八畝在車螯洋年租二十石每年折銀五兩爲學中  
月課供給一明萬歷三十九年知縣汪泗論斷追吳  
宏銀一十五兩買鄉民林信田種四斗在八都盤陀庵  
前崎路下與附近居民柯義耕作年定稅銀一兩  
六錢二分充入本學分給貧生學中立碑以記

### 新增學田

國朝康熙二十一年總督姚啓聖給銀六十兩購李同  
甫霞洞田種二石歲入租三十石以糧六錢四分輸官  
餘分給貧生一二十八年邑紳黃性震捐銀三百一  
十兩買田四十畝一分坐址香爐埭歲入粟一百八十  
餘石又下佈田種一石七斗五升歲入粟二十九石一  
斗七升后埔田種一石五斗二升歲入粟二十四石三  
埔一斗歲入錢五百文南門田種三斗七升歲入粟  
七石四斗葵坑田種二石四斗七升歲入粟三石六  
石五斗草埔田種八斗歲入粟八石林尾田種一  
石歲入粟一十七石九曲嶺小獅頭田種一石  
升歲入粟三十九石二斗爲義租不隸於學除輸賦外



將三年所積為邑士科舉鄉會試費以每科  
邑中領鄉薦者主之新舊相代垂為永久

### 長泰縣舊學田

一蓮池田四畝每畝徵租銀二錢內除五分為鄉民浚  
池蓄水一威惠田七畝每畝徵銀七分  
二十九畝每畝徵銀七分  
申報學道蔡國珍行縣徵銀解道萬歷間呈取回學名  
佃分耕收粟賣銀送縣解司一旌孝里珪塘赤草坂  
田一畝八分明萬歷元年知縣侯嘉祐捐俸買置入學  
不預前項學租之費歲久為葉姓所隱匿至乾隆十五  
年知縣張懋建清出一恭順里三重社田一石五斗  
萬歷十五年知府李載陽發到民田撥入年收租銀三  
兩分給貧生一石壁施陶唐洋田十四畝九分五厘  
萬歷二十一年推官龍文明審報慈寺僧宏琛隱匿田  
撥入年收租粟二十九石九斗一畝信里巖前田四  
斗八和里陶唐洋田三斗四分二項係推官龍文明官  
賣戴湖等田價湊僧田租穀及佃戶認佃等銀湊買送  
學帶民米三斗六升五合一洲田八畝在彭信里係  
萬歷三十三年知縣管橋申詳沈應南等私墾公洲告

### 漳州府志

### 卷之七

學校

三六

七百六十八

首入官道府批送入學一班鳩飛田四斗除葬墳五

首官給銀二兩與董用舒等領充學一金剛湖番地一

片官斷馬文英盜賣內除墳五首官給價銀一兩與曾

宗特領充學一大潮山田一斗官給戴世經領價五

錢充學一班鳩飛田四畝內除墳三首官給蔡尚文

等領價一兩五錢充學一魏泉大寨邊田二斗五升

領官價銀一兩充學一欽化里山九畝田魏良

盜賣多銀縣官管橋申道府批送入學不給價

學塘一在威惠廟前一在官湖池今被民侵一在

灌溉明嘉靖間被鄉豪侵奪鑄鐵塞源填滿為田迨隆

慶二年訓導李世重清復田雖復而泉枯為病知縣方

應時因民訴請准開浚

其半蓄水備旱今廢

學林在大方成亭下學店在侯公祠學店地一在縣前左

廟照牆前等處共十三間一在學前及管爺祠邊文  
隍廟西邊二間以上俱係學屋地一在縣前大井邊  
學地佃人蓋店輸地稅於學



倫堂西廊舊地八間 一在章厝後一間 一在射圃  
內大小間不等 一在城隍廟西邊二間 以上俱係  
學地佃人蓋屋  
輸地租於學

### 新增學田

國朝康熙二十一年總督姚啓聖捐銀五十兩置學田  
二石零三分坐方成里橫洋村南樓村欽化里馬羊村  
官塘村等處年稅粟六十六石六斗知縣員養純又捐  
金三十兩置學田一石二斗坐址方成里溫山村和興  
村等處俱以給貧生 一雍正二年知縣徐治民捐  
銀三十三兩增置田六斗內盡買田四斗典二斗

### 舊桂庄

明知縣鄭師申括絕產田積三年所入  
以助舉子之費縣尉呂橋爲記今廢

### 南靖縣新置學田

國朝康熙二十二年總督姚啓聖知縣張綽捐俸置學  
田共二十一畝八分邑人張天奎捐田園二十一畝五

## 漳州府志

## 卷之七

學校

三十九

五百二十八

分以爲士子科舉之費 古田州園七十三畝七分四  
厘一毫充入學修理文廟 文昌祀洲三股坐落南河  
康熙三十五年教諭林  
芝清出以爲祭祀之費

### 平和縣舊學田

明萬歷六年知縣楊守一捐銀六十兩買民會進附郭  
田七畝四分零每年徵收租粟二十八石以賑給貧生

### 新增學田

國朝康熙三十一年總督姚啓聖捐銀五十兩買置學  
田以給貧生 教諭蘓肇彩捐置蘆溪田租二十二石  
爲諸生月課之費 四十五年貢生黃廷玉呈捐新安  
庵後墟地店稅每年稅銀十一兩二錢充入本學以爲  
科舉往  
省盤費

### 詔安縣舊學田

一六峒田租原額六十七石每石定價二錢共徵銀一  
十三兩四錢每年內除四兩爲文昌祭費後因崩壞只



實解縣銀八兩九錢近奉文撥龍溪縣銀五兩湊本庄  
租一十三兩九錢二分四厘改給廩生一二都龍眼  
樹下田租原額十石每石定價銀二錢二分後崩壞只  
存租五石二斗內除五斗九升納官外實收租四石六  
斗有奇折租銀一兩五分分兩齋貯用一石每石價銀四錢  
租原額四十七石每年追粟四十一石每石價銀四錢  
今只收粟一十二石兩齋分貯用一東溪石頭埔店  
舊載二十七間每間定稅二錢今存十五間又東嶽廟  
後五間每年收取屋租俱分兩齋貯用一本學前後  
左右地稅以及園山塘等稅共銀九兩六錢一懸鐘  
江稅二兩金棘灣江稅一兩二錢懸鐘渡稅銀四兩  
石馬渡稅銀四兩今只存懸鐘江稅銀二兩餘俱廢

### 新增學田

國朝康熙二十一年總督姚啓聖捐銀五十兩買置學  
田一在岑頭後坑受種七斗年科租七石一在胡厝車  
後溪受種六斗年科租六石二處共納官米八斗四升  
餘存學以給貧生一訓導鄭佳捐俸二十兩買東嶽  
廟後及橋頭關帝廟左店地六間年收稅銀三兩以供  
文昌魁星祭費乾隆二十八年庠生沈成許作楫又倡

## 漳州府志

### 卷之七

學校

罕

六百五十九

議買林小寨園一片七斗種  
年收稅銀兩以充之

### 海澄縣舊學田

明知縣姚之蘭萬歷三十三年置田二區一在鄭埭一  
在會橋共三石九斗計三十二畝歲收粟百石有奇一  
新渡官津年稅銀二兩五錢一邑東北城下官河年  
稅銀一兩五錢以供學費以給貧生邑人御史柯挺爲  
之記今歲學案止存會橋田四畝一分六厘六  
毫七絲年納正供銀八錢三分三厘三毫四絲

### 新增學田

國朝康熙二十一年總督姚啓聖捐銀五十兩置田一  
區在沈嶺一石六斗計七畝八分五厘除納正供外實  
收粟一十六石九斗六  
升以給廩租及貧生

舊志論曰詩書禮樂所以造士德行道藝所以考其

賢能也萃郡邑之士學於學宮欲其以聖人爲法聖



人無不可學而至也倣周官黨正州長之意有社學有義學欲使比閭族黨皆知學也書院者聚其英而教之也建立學田賢司牧體朝廷養士之心恤其私而厚其餼廩也故類聚而附之自有宋仁宗用范仲淹之議詔天下州縣皆立學漳於是乎有學紫陽蒞厥土風徽懋焉婚喪嫁娶一遵禮法大儒之澤也我朝

列聖加意膠庠廣厲學官嚮學之士彬彬然盛矣

修學以下新增

龍溪縣學乾隆四十六年知府黃彬知縣聶崇陽倡捐重

漳州府志

卷之七

學校

四

三百六十一

建嘉慶二十四年邑士重濬泮池咸豐十年教諭張執

中倡修大成殿

漳浦縣學雍正十二年知縣沈梗邑人李明揚黃長齡重

脩乾隆九年大水圯二十二年知縣徐尙忠葺二十七

年知縣邵維修祭器樂器五十六年知縣阮曙倡修嘉

慶間知縣朱堃倡修道光三年工竣

海澄縣學乾隆六十年知縣顧投重修嘉慶九年邑人林

廷豪葺明倫堂道光三年諸生陳廷機獨力捐修廟學

長泰縣學嘉慶二十年知縣王廷葵修殿廡道光二年知

縣李鐸繼修



取進加額

咸豐間捐輸案永遠加額

龍溪縣學加十名合舊額取進二十名 武生取進加十

名合舊額二十五名

海澄縣學加三名合舊額取進二十三名 武生取進加

三名合舊額十八名

詔安縣學加一名合舊額取進十六名 武生取進加一

名合舊額十六名

御書匾額

仁宗睿皇帝御書

先師廟額曰聖集大成

嘉慶二年

宣宗成皇帝御書

先師廟額曰聖協時中

道光二年

漳州府志

卷之七

學校

甲二

三百二十五

文宗顯皇帝御書

先師廟額曰德齊禱載

咸豐二年

穆宗毅皇帝御書

先師廟額曰聖神天縱

同治二年

今上皇帝御書

先師廟額曰斯文在茲

光緒二年

義學書院

丹霞書院乾隆五十九年水圯道光九年巡道方傳穩倡

建同治甲子遭粵寇拆毀

芝山書院嘉慶十八年知府英泰重修同治二年遭粵寇

拆毀越五年丙寅夏巡道夏獻綸卽朱文公祠舊址建書

院并祀文公

霞文書院在郡城西隅倉內文昌廟左嘉慶十一年知縣



馬敦仁建後令柏成績建奎文樓同治三年遭粵寇折  
毀

附 府議雲霄廳請設學校詳稿 嘉慶二十一年

遵查雲霄一廳自嘉慶二年間奉前制憲

奏明設立所有命盜案件倉庫錢糧統歸該廳經營惟  
學校未設意或創建之始規模初定該廳所轄漳浦平  
和詔安治地僻遠讀書之人較少是以童生歲科兩試  
仍歸縣考茲據該廳薛丞以雲霄自設廳治以來士子  
逐漸觀摩人文蔚起廳轄相距縣城或百餘里或七八  
十里而遙士子赴縣應試道途跋涉維難且有控告戶

漳州府志

卷之七

學校

四三

四百〇七

婚田土牽涉生監之案因廳無冊籍可稽或逞刁冒混  
或恃符抗傳不特查提稽遲時日且恐日久籍貫混淆  
亦屬實在情形似應俯如該廳所請援照江西省蓮花  
廳之例建設學校所有入學額數即于漳浦平和詔安  
三縣均勻抽撥惟該廳所轄治地漳浦三十保平和二  
十五保詔安二保且詔安縣學額較平和縣較少今該  
廳不問治地多寡概請撥出四分之一致詔安神士以  
廳治所撥二保村居家寥落童生無多向無人學之人不  
願抽撥并請增添學額遂致廳縣兩詳彼此歧異案久  
懸宕伏思雲霄廳設學之初卑府管見應請于漳浦平



和兩縣文學各撥出四名詔安縣撥出二名共十名武學漳浦平和各撥出三名詔安撥出二名共八名移駐訓導一員以資約束至 聖廟學舍該紳士既願自

行捐蓋毋庸動項至詔安縣學入學童生久有定額所

有前署縣詳請增廣學額之處應毋庸議

按嘉慶十九年雲霄同知

薛凝度據貢生吳文林等呈詳請添設學校二十一年議請撥漳浦平和縣學額進各五名詔安縣學額進三名浦和詔三學廩生增生各每學撥五名其武童額進浦和二學各撥二名詔學撥四名詔安教諭移駐雲霄此知府畢所謫核議通詳稿也廳治迄未設學存以備考

漳州府志卷之七終

漳州府志

卷之七

學校

四